

Uz puno uvažavanje ukupnih ekonomskih i socijalnih prilika na Unsko-sanskom kantonu , a poštujući pri tom međusobno povjerenje, uvažavanje i razumjevanje

1. VLADA UNSKO-SANSKOG KANTONA, s jedne strane (prva strana u sporazumu) kao predstavnik poslodavca, koju zastupa Premijer Kantona, mr.sci.Ružnić Mustafa

i

2. SAMOSTALNI SINDIKAT OSNOVNOG OBRAZOVANJA I ODGOJA FBIH-KANTONALNI ODBOR UNSKO-SANSKOG KANTONA

i

3. SINDIKAT SREDNJEG I VISOKOG OBRAZOVANJA, ODGOJA, NAUKE I KULTURE BIH-KANTONALNI ODBOR UNSKO-SANSKOG KANTONA

zaključili su:

S P O R A Z U M

o međusobnim pravima i obavezama

Član 1.

Strane potpisinice ovog Sporazuma, saglasne su, da osnovica za obračun plaća svih zaposlenika u predškolskom , osnovnom i srednjem obrazovanju Unsko-sanskog kantona za period od 01.08.2019-31.12.2019. godine iznosi 302 bez umanjenja koeficijenta za obračun.

Isplata plaća za period iz prethodnog stava vršit će se po već utvrđenoj dinamici (do 30 dana) i redosljedu isplate.

Član. 2

Utvrđuje se dinamika isplate razlike plaće za 2018. godinu i 2019. godinu kako slijedi:

Mjesec isplate	Utvrđena razlika plaće – osnovno obrazovanje	Utvrđena razlika plaće – srednje obrazovanje	UKUPNO ZA ISPLATU RAZLIKE
Plaća za 01/ 2020	09/18- 153.892,81KM	09/18- 68.607,52 KM	222.500,33 KM
Plaća za 02/2020	10/18- 155.406,76KM	10/18- 69.833,61 KM	225.240,37 KM
Plaća za 03/2020	11/18- 155.835,37 KM	11/18- 70.265,09 KM	226.100,46 KM
Plaća za 04/2020	12/18- 155.835,37 KM	12/18- 70.265,09 KM	226.100,46 KM
Plaća za 05/ 2020	01/19- 149.743,51 KM	01/19- 67.755,19 KM	217.498,70 KM
Plaća za 06/ 2020	02/19- 155.794,24 KM	02/19-70.688,75 KM	226.482,99 KM

Plaća za 07/2020	03/19-156.514,34 KM	03/19-70.214,29 KM	226.728,63 KM
Plaća za 08/2020	04/19-156.664,75 KM	04/19-70.864,19 KM	227.528,94 KM
Plaća za 09/ 2020	05/19-117.706,37 KM	05/19-43.103,70 KM	160.810,07 KM
Plaća za 10/ 2020	06/19-116.720,62 KM	06/19-42.405,93 KM	159.126,55 KM
Plaća za 11/ 2020	07/19-109.703,97 KM	07/19-40.223,97 KM	149.927,94 KM
			2.268.045,44 KM

Potpisnici sporazuma su saglasni da se ispoštuje Zaključak Vlade Unsko-sanskog kantona broj: 03-017-885/2020 od 16.09.2019. godine kojim se zadužuje Ministarstvo obrazovanja, nauke, kulture i sporta i Ministarstvo finansija da u Budžetu Unsko-sanskog kantona planiraju sredstva za isplatu razlika plaća zaposlenim u ustanovama predškolskog , osnovnog i srednjeg obrazovanja na području kantona.

Obračunata razlika plaća će se planirati u Budžetu Unsko-sanskog kantona odvojeno od redovnih plaća sa posebnom subanalitikom – razlika plaća.

Član 3.

Obavezuju se potpisnici Sporazuma da će u roku od 15 dana od dana potpisivanja Sporazuma pokrenuti inicijativu za izmjenu Kolektivnog ugovora , a u skladu sa članom 98. Kolektivnog ugovora za oblast predškolskog i osnovnog obrazovanja i Kolektivnog ugovora za srednje obrazovanje po pitanju obračuna minulog rada za zaposlenike u predškolskom, osnovnom i srednjem obrazovanju.

Član 4.

Potpisnici Sporazuma su saglasni da se izmjene i dopune Pedagoških standarda za srednje obrazovanje donesu najkasnije u roku od 30. dana od dana potpisivanja Sporazuma.

Član 5.

Obavezuje se Vlada Unsko-sanskog kantona da do kraja mjeseca septembra tekuće godine isplati dva mjeseca naknade za prevoz s posla na posao, te da svaki naredni mjesec isplati po dvije naknade za prevoz s posla na posao do konačne isplate dugovanja.

Član 6.

Obavezuje se Vlada Unsko-sanskog kantona da sve ostale naknade koje nemaju karakter plaće (otpremnine prilikom odlaska u penziju, pomoći u slučaju smrti i pomoći za liječenje) isplaćuje redovno u kontinuitetu po obračunu i dospjeću plaćanja.

Član 7.

Obavezuje se Vlada Unsko-sanskog kantona da stvorene obaveze po osnovu vanrednih ispitnih rokova zaključno sa 30.06.2018. godine isplati do kraja oktobra 2019. godine, a ostatak obaveza iz 2018. godine zaključno sa 31.12.2019. godine.

Član 7.

Potpisivanjem ovog Sporazuma, prestaje sa važenjem Odluka o organiziranju generalnog štrajka.

Član 8.

O realizaciji ovog Sporazuma starat će se potpisinici ovog Sporazuma .

Član 10.

Ovaj Sporazum stupa na snagu danom donošenja i objavit će se u Službenom glasniku Unsko-sanskog kantona.

Strane u Sporazumu:

1. Vlada Unsko-sanskog kantona

Broj : _____

Bihać, _____

2. SAMOSTALNI SINDIKAT OSNOVNOG OBRAZOVANJA I ODGOJA FBIH-KANTONALNI ODBOR UNSKO-SANSKOG KANTONA

Zehra Hadžić

Broj : _____

Bihać, _____

3. SINDIKAT SREDNJEG I VISOKOG OBRAZOVANJA, ODGOJA, NAUKE I KULTURE BIH-KANTONALNI ODBOR UNSKO-SANSKOG KANTONA

Samir Fajić

Broj : _____

Bihać, _____